



Стална делегација Парламентарне скупштине
БиХ у Парламентарној скупштини Организације
за европску безбједност и сарадњу

Stalna delegacija Parlamentarne skupštine
BiH u Parlamentarnoj skupštini Organizacije
za evropsku sigurnost i saradnju /
Stalno izaslanstvo Parlamentarne skupštine
BiH u Parlamentarnoj skupštini Organizacije
za evropsku sigurnost i suradnju

PARLIAMENTARY ASSEMBLY OF BOSNIA AND HERZEGOVINA
Delegation to the Parliamentary Assembly of the Organization for Security and Co-operation in Europe

Broj: 01,02,03,03/11-05-1-3123/16
Sarajevo: 27.04.2017. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO			
Organizaciona jedinica	Klasifikaciona oznaka	Redni broj	Broj priloga
		27-04-1017	

KOLEGIJU PREDSTAVNIČKOG DOMA PSBiH

KOLEGIJU DOMA NARODA PSBiH

KOLEGIJU SEKRETARIJATA PSBiH

ČLANOVIMA DELEGACIJE PSBiH u PSOSCE-u

KOMISIJI ZA VANJSKE POSLOVE PREDSTAVNIČKOG DOMA PSBiH

KOMISIJI ZA VANJSKU I TRGOVINSKU POLITIKU, CARINE, PROMET I VEZE
DOMA NARODA PSBiH

SEKTORU ZA ODNOS E S JAVNOŠĆU PSBiH

**IZVJEŠTAJ SA ZIMSKOG ZASJEDANJA
PARLAMENTARNE SKUPŠTINE OSCE-a
Beč, 23. i 24. februar 2017.**

U Beču je 23. i 24. 2. 2017. održano 16. redovno zimsko zasjedanje Parlamentarne skupštine Organizacije za evropsku sigurnost i saradnju (PSOSCE), u čijem radu su učestvovali: Bariša Čolak, prvi zamjenik predsjedavajuće Delegacije, Halid Genjac, drugi zamjenik predsjedavajuće Delegacije, i Dženana Leper, sekretar Delegacije.

Tokom dvodnevnog zasjedanja, 250 poslanika iz 57 zemalja članica raspravljalo je o najvažnijim sigurnosnim izazovima s kojima se svijet trenutno suočava. Otvarajući skup, predsjednica Nacionalnog vijeća Austrije Doris Bures i predsjednica PSOSCE-a Christine Muttonen govorile su o aktivnostima koje se u Austriji preduzimaju za unapređenje obaveze OSCE-a i vrijednosti u rješavanju zajedničkih izazova. U svom obraćanju, Bures je istakla da "izolacija i nacionalizam" "nisu put ka mirnoj i sigurnoj budućnosti."

"U interesu naših građana, moramo putovati težim, ali boljim načinom. Kroz dijalog i saradnju moramo tražiti rješenja da se prihvate ideali naše zajednice: mir, sigurnost, prosperitet i garancija demokratskih vrijednosti u području OSCE-a na obje strane Atlantika", rekla je Bures.

Predsjednica Muttonen izrazila je zabrinutost činjenicom da je svijet danas istovremeno pogođen s više kriza, posebno ističući pogoršanja sigurnosne situacije na istoku Ukrajine, kao i nedavne eskalacije sukoba oko Nagorno-Karabaha i opasnosti od terorizma koje utiču na zemalje članice OSCE-a. Muttonen je naglasila ulogu parlamentaraca u podizanju nivoa dijaloga.

"Odnose treba njegovati", rekla je ona. "Brza retorika i nacionalističke politike će samo suziti pogled i globalna rješenja. Mi treba da pokušamo da gradimo mostove, kad god je to moguće i uvijek tražiti da se njeguje saradnja. "

Također, prisutnima se obratila na otvaranju sjednice PS specijalna predstavnik OSCE-a za rodna pitanja Hedy Fry (MP, Kanada), koja je fokusirana na rodne aspekte izbjeglica i useljeničke krize, a posebno na integraciju u domaćim zajednicama. "Ako želimo izgraditi sigurnost u društvima, moramo biti sigurni da su novi useljenici integrirani i da se osjećaju sigurnim", rekla je ona, ističući posebno učenje jezika i zdravstvenu zaštitu kao prioritete, te posebne potrebe žena i djece.

Tri generalna komiteta Parlamentarne skupštine tokom zimskog zasjedanja mogli su čuti od predstavnika vlada država članica OSCE-a o pitanjima koja se odnose na političke i sigurnosne poslove, ekonomiju, okoliš i ljudska prava, te humanitarna pitanja. Svaki komitet čuo je prezentacije izvjestilaca komiteta, njihove ideje i namjere za pisanje izvještaja i nacrtu rezolucija koji treba da se pripreme za 26. godišnje zasjedanje u Minsku u julu 2017. godine.

Završna zajednička sjednica održana je 24. februara na kojoj je vođena posebna rasprava o zaštiti ljudskih prava u vrijeme krize. Desetine intervencija članova parlamenata iz više od 20 država članica OSCE-a vezana su za borbu protiv terorizma, radikalizma, dugotrajnih sukoba u regionu OSCE-a, kao i izazove državne vlasti, naglašavajući važnost poštivanja osnovnih prava u današnje vrijeme.

Parlamentarcima su se također obratili predsjedavajući OSCE-a i ministar vanjskih poslova Austrije Sebastian Kurz i generalni sekretar OSCE-a amb. Lamberto Zannier, nakon čega su uslijedila pitanja i odgovori.

Ministar Kurz pohvalio je vrijednu ulogu Parlamentarne skupštine OSCE-a. "Kao predstavnici naroda, doprinosite na impresivan način da se brani, štiti i njeguje vrijednost i uloga OSCE-a. Demokratske povratne informacije i dijalog kao komplementarni kanali komunikacije neophodni su za našu organizaciju i mogu doprinijeti izgradnji povjerenja ", rekao je on.

"U trenutku kada smo suočeni s rastom nepovjerenja i sve većim brojem složenih izazova, važno je da se u potpunosti iskoriste sve mogućnosti da se ožive kooperativne sigurnosti",


Izveštaj odobrio Bariša Čolak, prvi zamjenik predsjedavajuće Stalne delegacije PSBiH u PSOSCE-u

kazao je Zannier. "Uključivanjem u parlamentarnu diplomatiju i u svojim nacionalnim kapacitetima, članovi Parlamentarne skupštine OSCE-a snažno doprinose ciljevima organizacije. Kao centralni forum za dijalog između naših 57 država članica, PSOSCE-a predstavlja vitalnu liniju za sigurniju budućnost. "

Izveštaj pripremila

sekretar Delegacije PSBiH u PSOSCE-u

Dženana Leper



Dostaviti:

- naslovu
- Sektoru za međunarodne odnose i protokol

Izveštaj odobrio Bariša Čolak, prvi zamjenik predsjedavajuće Stalne delegacije PSBiH u PSOSCE-u